

**Protocol da la radunanza da preventiv da la Corporaziun Evangelica Zernez
da mardi, ils 2 december 2025, a las 20.00h, a Zernez**

Preschaintas sun 12 persunas cun dret da vuschar e nossa chaschiera Maria Pardeller.

S-chüsats sun: Brigitta Enkerli, Jack Pinggera, Giovanna Platzer, Steivan Gaudenz, Monica Conrad, Domenic Scandella e Flurina Walther.

Tractandas

1. Tscherna dals scrutinadurs
2. Protocol da la radunanza generala dals 23 avrigl 2025
3. Preventiv 2026
4. Pè d'impostas da la raspada pel 2026
5. Elecziun da duos revisur(a)s da quint
6. Orientaziun sur da las perspectivas e l'andamaint da las staintas per pudair occupar nossa pravenda chi'd es vacanta
7. Varia

Bivgnaint dal president

Hermann Thom dà il bivgnaint a las votantas ed als votants. Davo laschain intunar üna chanzun dal coral, sco adüna accompogna nossa organista, Christa Pinggera, il chant dals radunats al clavazin.

1. Tscherna dals scrutinadurs

Il president propuona da tscherner sco scrutinaduras a Margaritta Filli ed a Hilda Thom. Ellas vegnan elettas da la radunanza sainza cuntravusch.

2. Protocol da la radunanza generala dals 23 avrigl 2025 a Zernez

Il protocol nu vain prelet cun quai ch'el es stat expost in differents lös ed as rechatta eir sùlla pagina dad internet da la corporaziun evangelica. Il protocol vain fat bun sco expost sainza cuntravuschs.

3. Preventiv 2025

Nossa chaschiera Maria Pardeller preschainta il preventiv per l'on 2026 e declera divers detagls. Il quint da gestiun da la raspada serra cun expensas da CHF 332'177 ed entradas da CHF 264'320.00. Il suravanz d'expensas importa CHF 67'857.

La radunanza aderischa al preventiv 2026 sco preschantà sainza cuntravuschs.

4. Pè d'impostas da la raspada pel 2026

Il pè d'impostas per l'on 2026 vain laschà unanim sco ils ultims ons sün 15 % per la corporaziun evangelica da Zernez e 3,5 % per l'egualisaziun da la Basalgia Chantunala. Total importa il pè d'impostas 18,5 % da l'imposta simpla chantunala.

5. Elecziun da 2 revisurs da quint

Per la tscherna sco revisur(a)s da quint as mettan a disposiziun Brigitta Enkerli da Zernez e Giacomini Saluz da Lavin. Il terz revisur, Reto Lehner da Zernez, d'eira già gnü tschernü in occasiun da la

radunanza generala. Davo la proposta da desister sün üna votumaziun per scrutin vegnan elets da la radunanza unanimamaing Brigitta Enkerli e Giacomini Saluz.

6. Orientaziun sur da las perspectives e l'andamaint da las staintas per pudair occupar nossa pravenda chi'd es vacanta

Hermann Thom infuorma a la radunanza cha la piazza da ravarenda sco eir la piazza sco substitut(a) dal ravarenda saja gnüda scritta our in divers lös.

I sun entradas differentas annunzchas per la piazza, displaschaivelmaing nu sun quistas gnüdas sustgnüdas da la Baseltgia Chantunala. Eir annunzchas da candidats sainza scolaziun adequata sun entradas e nun han pudü gnir resguardadas. Sco cha Hermann explicha saja previs per l'avegnir cha persunas cun stüdis da scoul'ota han la pussibiltà da's laschar scolar inavant in teologia in ün möd plü simpel.

Sco già dit a la radunanza generala s'interessan duos ravarendas giuvens per surtour parzialmaing la piazza per ün temp limità. Inavant s'interessa amo adüna duonna Lucia Bühlmeier da gnir a Zerne, quai scha la piazza es amo vacanta cur ch'ella ha serrà giò tuot seis stüdi e fat il vicariat l'utuon dal 2027.

7. Varia

Hermann disch cha dūrant ils prossems dis vegnan fattas installaziuns tecnicass pro'ls sains da las baselgias, perquai sunaran ün per voutas ils sains i'ls singuls cumüns.

Davo ün'ulteriura chanzun vain la sezzüda serrada a las 21.00 h. Davo han tuot ils preschaints per finir pudü star amo da cumpagnia pro ün aperitiv.

In buna fè

L'actuara Monica Schöpf